

Berita aika a Tabu

Iroun Unimwaane M. Nelson

Man te Kooram n Abotoro n te Tengaun ma Uoman

Ngkana ti ataia bwa ngaira natin te berita ae tabu, ti ataia bwa antai ngaira ao tera te bwai are E kantaningaira iai te Atua.

Teuana te wiiki imwiin te mwakuri ae e a tibwa karaoaki ni katea te moan titeiki i Moscow, Russia,¹ I iira te maungatabu n te mwakoro i St. Petersburg. Ngke I tabe n taetae ibukin au kakaitau ibukiia moan mitinare ao taan kairiiri ake a karokoa te korakora nakon te Ekaretia i Russia, I atonga te ara ae Vyacheslave Efimov. Boni ngaia te moan I-Russia n rairaki n riki bwa te beretitenti n te mition. Ngaia ma buuna a karaoa ae rangi n tamaroa n te mwakuri anne. E aki maan imwiin are a tia ni kabanea aia mition, ao n nanokawakira ae bati, Beretitenti Efimov e a motirawa.² Bon ti 52 ana ririki ni maiu.

Ngkai I taetae ibukiia taanga aika bwaeoniia aikai, I namakina te wirikiriki n titirakiniia taan taromaui ngkana e roko Titita Efimov. N raroanako man te ruu mai buki te aine, e teirake. I kaoa bwa e na roko nakon te bwai n taetae. Eng, bon Titita Galina Efimov. E taetae ma te kakooua ae matoatoa ao ni kaota ana kakooua ae korakora ibukin te Uea, ibukin ana Euangkerio, ao Ana Ekaretia ae Kaokaki. Ngaia ma kainabana te mwaane a a tia ni kabaeaki n te tembora ae tabu. E taku bwa a na katiteuanaki n aki toki. A bon teimatoa bwa rao ngaia ni mitinare, ngaia n iteran te roki aio ao raona are n te itera are teuana.³ Ma te rannimata ni kukurei, e kaaitaua te Atua ibukin berita aika tabu man te tembora. I tang naba, ma te atatai ae bwanin bwa te katiteuanaki n aki toki e kaotaki irouia taanga aika kakaonimaki aikai bwa bon mwiin karaoakin, kawakinakin ao karinean berita aika tabu aika tamaroa.

Teuana mai ibuakon te iango ae kakawaki man te aro ae kooua bon are man berita aika tabu. I nanon te taetae n te tua, te berita ae tabu nanona ae taabangaki e kaota te boraraoi imarenan uoua ke e raka riki bwatei. Ma nanona n te aro, te berita ae tabu e bon rangi ni kakaawaki riki. Bon te berita ae tabu ma te Atua. E bairea kanoan te boraraoi. N tatabemaniira nako a kona n rineia ni butimwaai kanoan boraraoi akanne. Ngkana temanna e butimwaai kanoan te boraraoi man te berita ae tabu ao n ongo ana tua te Atua, teuanne ke neienne e karekei kakabwaia ake a irekereke ma te berita ae tabu. Ti ataia bwa “ngkana ti karekei kakabwaia mairoun te Atua , bon man te ongotaeka nakon te tua are te kakabwaia e boto i aona.”⁴

Rinanon rongorongon te aonaaba, E a tia te Atua ni karaoa te berita ae tabu ma Natina.⁵ Ana berita aika tabu a riki ni kabuta te babaire ni kamaiu ao ai ngaia mwakoron bwaninin

Ana Euangkerio.6 Ibukin te katotoo, Te Atua E berita ni kanakoa te Tia Kamaiu ibukiia Natina,7 ao ni butiia ibukin aia ongotaeka nakon Ana tua. 8

I nanon te Baibara ti wareka taekaia mwaane ao aine i aon te Aonaaba ni Kawai ake a ataaki bwa natin te berita ae tabu. Te berita raa ae tabu? Te berita ae tabu are e karaoia te Atua ma [aia] bakatibu, n taku nakon Aberaam, Ao i nanon am kariki ni kabane kaain am utu i aon te aba a na kakabwaiaki.”9

I nanon ana Boki Moomon ti wareka taekaia aomata n te Aonaaba ae Boou ake a ataaki naba bwa natin te berita ae tabu.10 Te Uea are E a tia ni manga kautaki e kaongoia: “Ao nooria, ngkami natia burabeti; ao ngkami kaain te bata are Iteraera; ao ngkami kaain te berita are e tabu are e karaoia te Tama ma ami bakatibu, ni kangai nakon Aberaam :ao e na kakabwaiaki te aonaaba man am kariki.”11

E kabwarabwara te tia Kamaiu kakawakin kinaakia bwa naati ni berita. E taku, “E a tia te Tama ni kateirakeai moa ibukimi,e kanakoai bwa n na kakabwaiaki ngkami bwa man ami bure; ao e riki aio ibukina bwa ataein te berita ae tabu ngkami.”12

Te berita ae tabu are E karaoia te Atua ma Aberaam13 ao imwiina e kamatoaki ma Itaaka14 ao Iakobo15 bon te rangi ni kakawaki. E rawata i nanona berita aika bati, n ikotaki:

-

Iesu te Kristo E na bungiki ni kanoan Aberaam.

-

Kanoan Aberaam ana mwaiti, ao a na reke irouia te rikirake ae akea tokina ao a na reke naba irouia te nakoanibonga.

-

Aberaam e na riki bwa tamaia botanaomata aika bati.

-

Iai aaba aika a na kaainaki irouia kanoana.

-

A na kabwaia kaain aonaaba ni kabaneia man ana kariki.16

-

Ao te berita ae tabu a na akea tokina—e ngae rinanon “te ngaa te roro.”17

Tabeua man berita aikai a tia ni kakoroaki bukiia, tabeua a tuai koro bukiia. I ana te taetae ni burabeti man ana Boki Moomon: “Tamara[Riaai] e aki ti taekinia kanoara, ma e taekinia naba kaain te bata are Iteraera ni kabane, ni katereterea te berita ae tabu are e na kakoroaki bukina ni boong aika kaitira; are te berita ae e tabu are e karaoia te Uea nakon tamara ae Aberaam.” E aki kamimi anne? Tabeua 600 te ririki imwaiin bungikiin Iesu i Betereem, burabeti a ataia bwa ana berita ae tabu Aberaam e na kakororaaki bukina ti *i nanon boong aika kaitira*.

“Aberaam e karekei berita ake a irekereke ma kanoana, ao are man uaan irikona—man irikona are bon, ... au toro are Iotebwa. ...

“Te berita aio bon am bwai naba, ibukina bwa ngkoe naba mai iroun Aberaam” 19

Ma kabouan te berita aio, are ti a tia ni karekea, n ai aroia kaain ngkoa are a tia naba, te nakoanibonga ae tabu ao te euangkerio ae akea tokina. Iai iroua te inaomata ni karekea bwatinin te euangkerio, ao ni kukurei ni karekei kakabwaian te nakoanibonga, ao n tau ibukin ana kakabwaia te Atua aika a rangi ni korakora—anne man te maiu are akea tokina. 20

Tabeman mai buakora bon kanoan raoi Aberaam; tabeman a bootaki i nanon ana utu ake a tabekaki. Te Uea E kakeaa te kakaokoroaki.²¹ Ni bootaki ti karekei kakabwaia ake a beritanaki ngkana ti ukoukora te Uea ao n ongo Ana tua.²² Ma ngkana tiaki, ti kabuaa ana kakabwaia te berita ae tabu.²³ Ni buokiira, Ana Ekaretia e katauraoi ana kakabwaia te tamanuea nakoia n tatabemania nako taan butimwaea te atatai ibukin ana bong teuanne ke neienne nakon taai aika a na roko, n ikotaki naba ma te reitaki nakon taai aika a tia n nako, ao n taetaekina ana bakatibu Aberaam, Itaaka, ao Iakoba. 24

Taari n te berita ae tabu iai irouia te inaomata ni katauraomia ibukin te berita ao te berita ae tabu man te nakoanibonga.²⁵ Ngkana kam kakaonimaki ao ni karekei nakoanibonga aika uoua ... ao ni kabubura nakoam, ko na kaitiakaki man te Tamnei i nanon kabouan rabwatami.²⁶ Tiaki ti ngaia anne. Mwaane ake a tau ni karekea te nakoanibonga a karekea te Uea ae Iesu Kristo, ao te koraki ake a butimaea te Uea a karekea te Atua te Tama.²⁷ Ao te koraki ake a karekea te Tama a karekea ni kabane bwaai ake iai irouna.²⁸ Kakabwaia aika kamimi a raanga man te berita ao te berita ae tabu nakoia aika tau mwaane, aine, ao ataei i nanon te aonaaba ni kabane.

Ara bwai bon tabera ni ibuobuoki ni kakoroa nanon ana berita ae tabu Aberaam. Kanoara bon taan katabuaki imwaain ruoia ao ni katauraomaki ni kakabwaiaia aomata ni kabane n te aonaaba. Anne bukina bwa te tabe n te nakoanibonga e ikotaki i nanona te mwakuri ni mitinare. Imwiin 4,000 te ririki ni kakantaninga ao ni katauraomi, aio bon te tai are e koteaki are te euangkerio e nang uotaki nakoia reeti n te aonaaba. Aio te tai are e beritanaki ibukin ikotaia Iteraera. Ao ti karekei n iiri! E aki karokonano anne? Te Uea E onimakiniiira ma natira mwaane—ao E rangi ni kakaitau ibukiiia natira aine—ake a beku bwa mitinare aika a kororaomi i nanon aia tai ni ikotaki Iteraera ae kakannato aio.

Ana Boki Moomon bon te kanikina ae iai rabwatana are te Uea E a tia ni moanna ni bootia natin Iteraera ni berita aika tabu.³⁰ Te boki aio, are e koreaki ibukin ara bong, are E taekinna bwa teuanne bukina bwa “kam na ataaia bwa te berita ae tabu are te Tama E a

tia ni karaoia ma tibun Iteraera ... are E a tia ni moanna ni kakoroaki bukina. ... Bwa taraia, te Uea E na uringa ana berita ae tabu are E a tia ni karaoia ma ana aomata n ana Iteraera.”³¹

E koaua, E a tia n aki mwaninga te Uea! E a tia ni kakabwaiaira ao tabeman ni kabuta te aonaaba ma ana Boki Moomon. Teuana bukina “bwa ti na katerea nakoia Iutaia ao Tientaire bwa Iesu bon te Kristo. E na buokiira ni karaoa ara berita ae tabu ma te Atua. E kaoiira n uringnga ao n ataa Natina ae Tangiraki. Bon te kakoaua naba teuana ibukin Iesu Kristo.

Natin te berita ae tabu iai inaomataia ni karekea Ana reirei ao n ataa te babaire ni kamaiu. A *bubuti* ibukina man karaoan te berita ae tabu ae kakawaki man tabu. Brigham Young e taku: “Ni kabane Aomata aika itiaki a rinnako n te berita ae tabu ae boou ao akea tokina ngke a kaaina te Ekaretia aio. ... A rinnako i nanon te berita ae boou man tabu ni kakorakora Abanuean te Atua.” ³³ A *kawakina* te berita ae tabu man ongotaekiaia nakon Ana tua.

N te bwabetito ti karaoi berita aika tabu ni beku ibukin te Uea ao ni kawakina Ana tua.³⁴ Ngkana ti taua te toa, ti kaboua te berita ae tabu anne ao n taekina ara anga nano ni katoka i aora aran Iesu Kristo. N te aro aio ti a riki bwa natina mwaane ao aine ao n ataaki bwa tarira ao mwaanera. Bon taman maiura ae boou.³⁵ N tokina, i nanon te tembora ae tabu, ti kona n riki bwa taan bwaibwai nakon kakabwai n te utu ae akea tokina, n aron are e beritaki n te taina nakon Aberaam, Itaaka, Iakobwa, ao kanoaia.³⁶ Ai ngaia, are te mare ae akea tokina bon te berita ae tabu ni kariatataaki.

Ngkana ti ataia bwa ngaira natin te berita ae tabu, ti ataia bwa antai ngaira ao tera te bwai are E kantaningaira iai te Atua. Ana tua a koreaki i nanora. Boni ngaia Atuara ao ngaira Ana aomata. Naati aika a kabaeaki n te berita ae tabu a tiku n aki mwaingiing, e ngaie i nanon tain te kaaitara. Ngkana te reirei anne e a riki bwa mwakorora, e ngaie ni kaweten bukin te mate ngkana e kabebeteaki ao korakoran tamneira e kamarurungaki.

Te kabanea n taeka ni kamoamoia are ko kona ni karekea ikai n te maiu aei bon ataakim bwa te tia kawakina te berita ae tabu. Taian kaniwanga ibukin rikim bwa te tia kawakina te berita ae tabu e na ataaki e na karekeaki ikai ao imwiin te maiu aei. Te boki ae tabu e taku bwa “kam na iangoa te kakabwai ma te aro ni kukurei irouia ake a kawakin ana tua te Atua. Bwa taraia, a kakabwaiaki ni bwaai ni kabane, ... ao ngkana a teimatoa n onimaki ni karokoa te toki ao a na butimwaeaki mai karawa ... [ao] a na maeka ma te Atua n te aro ni kukurei ae aki totoki.”⁴⁰

Te Atua E tangira Iesu te Kristo. Ana Ekaretia e a tia ni kaokaki ni kakabwaiia aomata ni kabane. Beretitenti Thomas S. Monson bon ana Burabeti n te bong aei. Ao ngaira, aika

ti *kakaonimaki* n ai aroia naatin te berita aika tabu, a na kakabwaiaki ngkai ao n aki toki.
I bon kakoaua n aran Iesu Kristo, amen.

Bwaai aika a na taraaki

1.

Te Moscow Russia Titeiki e kateaki n te Taabati, Tuun 5, 2011.

2.

Vyacheslav Efimov E beretitenti n te Russia Yekaterinburg Mition man 1995 nakon 1998. E mate n Beberuare 25, 2000.

3.

Taraa Doctrine ao Covenants 138:57.

4.

Tara Doctrine ao Covenants :130:21

5.

N aron te katotoo, imwiin te Ieka ae korakora, E taekina bwa “e na nooraki Nei wirara n te nang, ao N na uringa au berita, ae mena i marenau ma ngkami ... ; ao a na aki manga riki ieka n ran ni kamaunaia iriko ni kabaneia” (Karikani Bwaai (:14–15, footnote 15b; iroun Joseph Smith Translation, Genesis 9:20).

6.

Taraa Doctrine ao Covenants 66:2; 133:57.

7.

Taraa Ioane 3:16

8.

Taraa Aberaam 3:25.

9.

Mwakuri 3:25.

10.

Taraa 3 Nibwaai 20:26.

11.

3 Nibwaai 20:25.

12.

3 Nibwaai 20:26.

13.

Taraa Karikani Bwaai 17: 1–10, 19; Nakoiaia Ibonga 26:42; Mwakuri 3:25; Bible Dictionary, “Abraham, Covenant of.”

14.

Taraa Karikani Bwaai 26:1–5, 24.

15.

Taraa Karikani Bwaai 28:1--4, 10–14; 35:9–13; 48:3–4.

16.

Taraai reburenti akana a karinanaki ieta n te entenoute 13–15.

17.

Te Tua Kaua 7:9; 1 Rongorongongo 16:15; Taian Areru 105:8.

18.

1 Nibwaai 15:18; katuruturuana a kairaki

19.

Doctrine ao Covenants 132:30n31. Te Uea e tuanga naba te Burabeti Iotebwa Timiti: “N ai aron e a tia n tuanga Aberaam, are inanona ao inanon ana kariki a na kakabwaiaki aomata ni kabane n te aonaaba (Doctrine ao Covenants 124:58).

20.

Taraa Doctrine ao Covenants 14:7.

21.

Taraa Mwakuri 10:34–35.

22.

Taraa Te Otinako 19:5.

23.

Te Boki ae tabu e taku bwa “Ngai, te Uea, I kabaeaki ngkana ko karaoa te bwai are I taku; ma ngkana ko aki karaoa are I taku, akea am berita” (Doctrine ao Covenants 82:10).

24.

N Tebetembwa 21, 1823, te iango ni berita ae tabu aei e moan kaotaki nakon te Burabeti Iotebwa Timiti. Te anera Moronaai e taekinna bwa Eria te burabeti e na roko bwa te tia uarongorongo mai karawa n uniki i nanaoia naati te rabakau n te berita are e karaoaki ngkoa nakoia kaaro n te bata are Iteraera (taraa Doctrine ao Covenants 2:1–3).

25.

Taraa Doctrine ao Covenants 84:33–34, 39–40.

26.

Doctrine ao Covenants 84:33.

27.

Taraa Doctrine ao Covenants 84:35, 37.

28.

Taraa Doctrine ao Covenants 84:38.

29.

Taraa Aramwa 13:1–9.

30.

Taraa 3 Nibwaai 29.

31.

3 Nibwaai 29:1, 3.

32.

Atun moanbaan ana Boki Moomon: Te Kakoaua Teuana ibukin Iesu Kristo.

33.

Aia Reirei Beretitenti n te Ekaretia: Brigham Young (1997), 62.

34.

Taraa Doctrine ao Covenants 20:37.

35.

“Ti kakarabakauakina Kristo, ti kimwareirei iroun Kristo, ti tataekina Kristo, ti taetae ni burabeti ibukin Kristo, ... bwa aonga natira n ataia bwa antai ake a na kawarakiibukin kamaunan aia bure” (2 Nibwaai 25:26).

36.

Taraa I-Karatia 3:29; Doctrine ao Covenants 86:8–11.

37.

Te iango aio e kaineti nakoira: “Rooro aika mwaiti imwiin rokon te Mesia n rabwata nakoia natiia aomata, ao ngkanne e nang roko bwaninin ana euangkerio te Mesia nakoia Tientaire nakoia nikiraia kanoara—ao n te bong are a na ataa nikiraia kanoara ae ngaia kaain te bata are Iteraera, ao bon ngaia ana aomata i nanon te berita ae tabu te Uea ; ao a na ataa taekaaia aia bakatibu, ao taekan naba ana euangkerio aia te Tia Kabooia, ake a reiakinaki irouna nakoia tamaia; mangaia ae a na ataa taekan aia Tia Kabooia ma nanon ana reirei bwa a aonga n rabakau ni kawaria ao ni kamaiuaki” (1 Nibwaai 15:13--14).

38.

Taraa Itaia 55:3; Ieremia 31:33; I-Rom 2:15; 2 I-Korinto 3:2–3; Ebera 10:16.

39.

Taraa Taian Areru 95:7; 100:3; Ieremia 24:7; 31:33; 32:38; Etekiera 11:20; 37:23, 27; Tekaria 8:8; 2 I-Korinto 6:16; Ebera 8:10.

40.

Motiaea 2:41.